

Na osnovu člana 8. Zakona o ugostiteljskoj djelatnosti ("Službene novine Federacije BiH", broj: 32/09), člana 11. Zakona o turističkoj djelatnosti ("Službene novine Federacije BiH", broj: 32/09), i člana 10., 12. i 69. Statuta Općine Stari Grad Sarajevo – Prečišćeni tekst ("Službene novine Kantona Sarajevo", broj: 20/13), Općinski načelnik Općine Stari Grad Sarajevo, putem Službe za privredu, o b j a v l j u j e

J A V N I P O Z I V

Stručnim licima za podnošenje prijava za učešće u radu Komisije za utvrđivanje ispunjavanja propisanih uslova za obavljanje određenih djelatnosti na području općine Stari Grad Sarajevo

I.

Pozivaju se zainteresirana fizička lica da podnesu prijave za učešće u radu Komisije za utvrđivanje ispunjavanja propisanih uslova za obavljanje određenih djelatnosti na području općine Stari Grad Sarajevo, u skladu sa Zakonom o ugostiteljskoj djelatnosti ("Službene novine Federacije BiH", br. 32/09), Zakonom o turističkoj djelatnosti ("Službene novine Federacije BiH", br. 32/09) i drugim zakonskim i podzakonskim propisima kojima je utvrđena nadležnost Općinskog organa uprave za obavljanje ovih poslova i to sljedećih struka:

- zdravstveno sanitarne zaštite (Viši sanitarni tehničar, sanitarni inženjer, dipl. sanitarni inženjer)
- zaštite na radu i zaštite od požara (inženjer ili dipl.inženjer zaštite na radu i/ili zaštite od požara i eksplozije)

II.

Na Javni poziv se mogu prijaviti osobe koje imaju stečena zvanja iz tačke I. Javnog poziva, položen stručni ispit i pet godina radnog iskustva u struci.

III.

Uz prijavu sa tačnom adresom i brojem telefona, potrebno je priložiti:

- ovjerenu kopiju diplome o završenom fakultetu odnosno školi
- dokaz o radnom iskustvu nakon sticanja diplome (potvrda/uvjerenje poslodavca)
- ovjerenu kopiju uvjerenja o položenom stručnom ispitu

IV.

Prijave sa dokazima o ispunjavanju uslova Javnog poziva podnose se u roku od 15 (petnaest) dana od dana objavljivanja, putem protokola Općine Stari Grad Sarajevo ili poštom preporučeno na adresu:

**Općina Stari Grad Sarajevo
Služba za privredu**

ul. Zelenih beretki br. 4

71000 Sarajevo

sa naznakom: "Za Javni poziv stručnim licima za podnošenje prijave za učešće u radu Komisije za utvrđivanje ispunjavanja propisanih uslova za obavljanje određenih djelatnosti na području općine Stari Grad Sarajevo"

Služba za privredu će po isteku navedenog roka sačiniti spisak stručnih osoba koje ispunjavaju uslove Javnog poziva, te isti dostaviti Općinskom načelniku koji će izvršiti odabir o čemu će svi prijavljeni kandidati biti pismeno obaviješteni.

Nepotpune i neblagovremene prijave neće se razmatrati.

Broj: 01-05-4-2108/17
Sarajevo, 10.10.2017. godine

OPĆINSKI NAČELNIK
mr. Ibrahim Hadžibajrić